



О‘ЗБЕКИСТОН RESPUBLIKASI SOG‘LIQNI SAQLASH VAZIRINING

BUYRUG‘I

2023 yil «17» mарт

№ 56

Toshkent sh.

**Ўзбекистон Республикаси Президентининг 2022 йил
30 декабрдаги “Ўзбекистон Республикасининг “2023 йил учун
Ўзбекистон Республикасининг Давлат бюджети тўғрисида”ги Қонуни
ижросини таъминлаш чора-тадбирлари тўғрисида”ги
ПҚ-471-сон қарори ижросини таъминлаш тўғрисида**

Ўзбекистон Республикаси Президентининг 2022 йил 30 декабрдаги “Ўзбекистон Республикасининг “2023 йил учун Ўзбекистон Республикасининг Давлат бюджети тўғрисида”ги Қонуни ижросини таъминлаш чора-тадбирлари тўғрисида”ги ПҚ-471-сон қарори ижросини таъминлаш мақсадида **буюраман:**

1. Қуйидагилар:

Ўзбекистон Республикаси Президентининг 2022 йил 30 декабрдаги “Ўзбекистон Республикасининг “2023 йил учун Ўзбекистон Республикасининг Давлат бюджети тўғрисида”ги Қонуни ижросини таъминлаш чора-тадбирлари тўғрисида”ги ПҚ-471-сон қарорига мувофиқ, 2023 йилда иккинчи даражали бюджет маблағларини тақсимловчиларга ажратиладиган бюджет маблағларининг чекланган миқдорлари тасдиқланганлиги;

мақсадли индикаторларнинг бажарилишини баҳолаш ҳар чорак якуни бўйича вазирлик ва идораларнинг ички аудит хизматлари томонидан амалга оширилиши белгиланганлиги;

Ўзбекистон Республикасининг “2023 йил учун Ўзбекистон Республикасининг Давлат бюджети тўғрисида”ги Қонуни билан белгиланган биринчи даражали бюджет маблағларини тақсимловчиларнинг қўшимча ваколатлари берилганлиги, бунда:

а) биринчи даражали бюджет маблағларини тақсимловчиларнинг раҳбарлари ўзларининг ва тасарруфидаги ташкилотларнинг жамланма харажатлар сметаси ва штат жадваллари, харажатлар сметаси ва штат жадваллари, жамланма даромадлар ва харажатлар, даромадлар ва харажатлар сметаларини тасдиқлаши ва рўйхатга олиши;

б) биринчи даражали бюджет маблағларини тақсимловчилар ўзига ажратиладиган маблағлар доирасида жорий харажатларини қайта тақсимлаш, жумладан тармоқни ривожлантириш давлат дастурларини амалга ошириш учун ажратилган маблағларни бир ривожлантириш дастуридан бошқа ривожлантириш дастурига қайта тақсимлаш орқали маблағларни мустақил тасарруф этиши;

в) биринчи даражали бюджет маблағларини тақсимловчилар томонидан ривожлантириш дастурларига ажратилган маблағлар ҳисобидан ушбу дастурларда назарда тутилмаган харажатлар бўйича юридик ва молиявий мажбуриятлар қабул қилинишига йўл қўйилмаслиги;

г) биринчи даражали бюджет маблағларини тақсимловчилар ташаббуси билан янгидан ишлаб чиқиладиган ривожлантириш дастурлари ва тадбирларни молиялаштириш учун талаб этиладиган маблағлар тегишли биринчи даражали бюджет маблағлари тақсимловчиларга ажратиладиган маблағлар доирасида амалга оширилиши маълумот ва ижро учун қабул қилинсин.

2. Давлат дастурларида кўзда тутилган тадбирларни амалга ошириш мақсадида:

Соғлиқни сақлаш вазирлиги (кейинги ўринларда - вазирлик)га республика бюджетидан 1 582,1 млрд. сўм миқдорида ажратилган маблағларнинг тақсимоти ҳамда уларни дори воситалари, тиббий буюм ва тиббий техникаларга шаклланган эҳтиёжи ва 2022 йилда тузилган шартномалар бўйича қарздорликлардан келиб чиқиб қайта тақсимоти **1-иловага** мувофиқ;

Давлат дастурлари доирасида 2023 йил республика бюджети ҳисобидан харид қилиниши режалаштирилган дори воситалари, тиббий буюм ва тиббий техникалар рўйхати **2-иловага** мувофиқ;

Вазирлик ва "O'zmedimpeks" МЧЖ томонидан 2022 йилда тузилган шартномалар бўйича қарздорлик **3-иловага** мувофиқ;

Республика ихтисослаштирилган педиатрия илмий-амалий тиббиёт марказига давлат дастурини ижро этиш учун харид қилинадиган дори воситалари, тиббий буюм, тиббий техника ва бошқа товар моддий бойликлар рўйхати ва марказнинг харажатлар сметасига режалаштириладиган маблағлар миқдори **4-иловага мувофиқ тасдиқлансин.**

3. Вазир ўринбосари (Фазилкаримов), Иқтисодиёт, таҳлил ва нархларни шаллантириш бошқармаси, Бухгалтерия ҳисоби бўлими бир ҳафта муддатда:

мазкур буйруқнинг 2 - ва 3 - иловаларида келтирилган дори воситалари, тиббий буюм ва тиббий техникаларни харид қилиш учун 993,9 млрд. сўм ҳамда қарздорликларни қоплаш учун 79,2 млрд. сўм маблағларни “O'zmedimpeks” МЧЖ харажатлар сметасига режалаштирилишини;

компьютер техникаларини харид қилиш учун 55,0 млрд. сўм (шундан, Тез тиббий ёрдамни ривожлантириш жамғармаси маблағлари ҳисобидан 21,2 млрд. сўм) “O'zmedimpeks” МЧЖга ажратилишини;

иммунизация дастурига асосан вакциналар учун 200 млрд. сўм ва Вирусология илмий-тадқиқот институти базасида вирусли касалликларни аниқлаш бўйича миллий референс зардоб панелларини яратиш ва ишлаб чиқаришни йўлга қўйишга республика бюджети маблағлари ҳисобидан 1,0 млрд. сўм Ўзбекистон Республикаси Санитария-эпидемиологик осойишталик ва жамоат саломатлиги қўмитасининг харажатлар сметасига режалаштирилишини;

“Электрон соғлиқни сақлаш” тизимини кенг жорий этиш, ягона миллий стандартлар асосида интеграциялашган ахборот тизимлари ва маълумотлар базаси мажмуасини яратиш учун республика бюджети маблағлари ҳисобидан 16,2 млрд. сўм “IT-Med” МЧЖга ўтказилишини;

мазкур буйруқнинг 4 - иловасига асосан белгиланган тадбирларни амалга ошириш учун Республика ихтисослаштирилган педиатрия илмий-амалий тиббиёт марказига республика бюджети маблағлари ҳисобидан 75,3 млрд. сўм режалаштирилишини;

соғлом турмуш тарзини шакллантириш, тўғри овқатланиш бўйича тизимли равишда тарғибот-ташвиқот ишларини амалга ошириш учун республика бюджет маблағлари ҳисобидан 2,0 млрд. сўм Аҳолининг соғлом турмуш тарзини қўллаб-қувватлаш ва жисмоний фаоллигини ошириш марказининг харажатлар сметасига режалаштирилишини таъминласин.

4. Вазир ўринбосари (Сабиоров), Тиббий ёрдамни шакллантириш департаменти, Фармацевтика соҳасини тартибга солиш ва дори воситалари эҳтиёжларини аниқлаш бошқармаси, Иқтисодиёт, таҳлил ва нархларни шаллантириш бошқармаси, Бухгалтерия ҳисоби бўлими бир ҳафта муддатда республика бюджетидан Онкогематологик ва даволаш қийин бўлган касалликларга чалинган беморларни соғломлаштиришга кўмаклашиш жамғармасига 2023 йил учун ажратилган 85,9 млрд. сўм ва Жамғарманинг ғазна ҳисобварағида жорий йилнинг 1 январь ҳолатига мавжуд бўлган 94,1 млрд. сўм миқдоридеги қолдиқ жами 180 млрд. сўм маблағ ҳисобидан харид қилинадиган дори воситалари, тиббий буюмлар, тиббий техника ва бошқа товар моддий бойлик (иш, хизмат)лар режасини **уч кун муддатда ишлаб чиқиб, Жамғарманинг**

Кенгашида муҳокама қилган ҳолда тасдиқлаб, вазирликка тақдим этсин.

5. Вазир ўринбосарлари (Баситханова, Сабилов), **Илм - фан ва таълим бошқармаси, Инсон ресурсларини ривожлантириш ва бошқариш бўлими бир ой муддатда** қонунчиликда белгиланган тартибда барча республика тиббиёт муассасалари, тиббиёт олий ўқув юртлири, Қорақалпоғистон Республикаси Соғлиқни сақлаш вазирлиги, вилоятлар соғлиқни сақлаш бошқармалари ва Тошкент шаҳар соғлиқни сақлаш бошқармаси билан биргаликда Иқтидорли ва малакали тиббиёт мутахассисларини қўллаб-қувватлаш ҳамда тиббиёт муассасаларига жалб қилиш жамғармасига республика бюджетидан ажратилган 50 млрд. сўм маблағ доирасида иқтидорли ва малакали тиббиёт мутахассисларини ва бошқарув кадрларини нуфузли хорижий тиббиёт ва таълим муассасаларида ўқитиш, малакасини ошириш, рағбатлантириш ҳамда хорижий етук мутахассисларни жалб қилиш бўйича ўз таклифларини шакллантирган ҳолда Жамғарманинг вазирлик Ишчи гуруҳига кўриб чиқиш ва тасдиқлаш учун киритсин.

6. Марказлашган ҳолда харид қилиниши режалаштирилган дори воситаларига бўлган умумий техник топшириқлар **5-иловага мувофиқ тасдиқлансин.**

7. **Фармацевтика соҳасини тартибга солиш ва дори воситалари эҳтиёжларини аниқлаш бошқармаси** тегишли тиббиёт муассасалари ва соҳа мутахассислари билан биргаликда **бир ҳафта муддатда** тиббий буюм ва тиббий техникаларга бўлган техник топшириқларни ишлаб чиқсин ва вазирлик раҳбариятига тасдиқлаш учун киритсин.

8. "O'zmedimpeks" МЧЖ:

2-иловага мувофиқ тасдиқланган дори воситалари, тиббий буюм ва тиббий техникаларнинг харид қилиш муддатлари бўйича режа жадвалларини **бир ҳафта муддатда** ишлаб чиқиб, вазирликка тасдиқлаш учун киритсин;

харид қилиш тартиб-таомилларига мувофиқ, **уч кун муддатда** ўз Харид комиссияси таркибини тасдиқласин ва бунда комиссия аъзоларининг учдан икки қисмини вазирликнинг мутасадди бошқармалари бошлиқлари ҳисобидан шакллантирсин.

Белгилансинки, барча марказлашган харидлар ва сотиб олинган маҳсулотларни жойларга етказиб берилиши **"O'zmedimpeks" МЧЖ** томонидан воситачилик ҳақи эвазига амалга оширилади.

9. "IT-Med" МЧЖ уч кун муддатда:

марказлашган ҳолда харид қилиниши режалаштирилган компьютер техникаларига бўлган техник топшириқларни ишлаб чиқиб, вазирлик раҳбариятидан тасдиқлаган ҳолда **"O'zmedimpeks" МЧЖга** тақдим этилишини;

“Электрон соғлиқни сақлаш” тизимини кенг жорий этиш мақсадида 2023 йил давомида амалга ошириладиган интеграциялашган электрон ахборот тизимлари дастурларини вазирлик раҳбариятига тасдиқлаш учун киритсин.

10. Вазирлик аппарати эҳтиёжлари учун давлат харидлари жараёнларини шаффоф, унумли ва тезкор ташкил этиш мақсадида вазирликнинг Харид комиссияси таркиби **6-иловага** мувофиқ тасдиқлансин.

Харид комиссияси:

давлат харидлари жараёнларини қонунчиликда белгиланган тартиб ва тамойилларга мувофиқ ташкил этиши;

давлат харидларини шаффоф ўтказилиши ва ёлибни танлашда шахсан манфаатдор бўлмаслиги;

ўз фаолиятини биринчи навбатда сифатга ва тежамкорликка қаратиши;

заруратга кўра, комиссия таркибига мутасадди ташкилотлар мутахассисларини эксперт сифатида жалб қилиши мумкинлиги белгилаб қўйилсин.

11. Давлат дастурлари ва бюджет харажатларининг мақсадли ва самарадорлик индикаторлари бажарилиши бўйича маълумотларни (кўрсаткичларни) қуйидан юқорига шакллантириш, мониторинг қилиш, расмийлаштириш, умумлаштириш ва тегишли зарурий маълумотлар тайёрлаш ҳамда ҳисоботларни тақдим этиш тадбирларига масъуллар **7-иловага мувофиқ тасдиқлансин.**

Бунда, Соғлиқни сақлаш вазирининг ўринбосарлари ҳамда таркибий тузилма раҳбарлари тегишлилиги бўйича Давлат дастурлари ва бюджет харажатларининг мақсадли ва самарадорлик индикаторлари бажарилишини таъминлаш, назорат қилиш ва тегишли ҳисоботларни тайёрлаш ва белгиланган муддатларда тақдим этиб борилишига шахсан жавобгарлиги белгилаб қўйилсин.

12. **Ахборот – коммуникация технологияларини жорий этиш ва тиббий статистика бўлими** иловада келтирилган масъул таркибий тузилмалар, Ахборот – коммуникация технологияларини жорий этиш ва тиббий статистика бўлими томонидан мақсадли ва самарадорлик индикаторларини бажарилиши бўйича ҳисоботларни ҳамда Иқтисодиёт, таҳлил ва нархларни шаллантириш бошқармаси томонидан амалга оширилган молиявий ҳисоботларни ҳар чорак якуни бўйича кейинги ойнинг 5-санасига қадар қабул қилсин;

тақдим этилган маълумот ва ҳисоботларга асосан жамланма ҳисоботни тайёрлаб, таҳлил ва хулоса бериш учун ҳар чорак якуни бўйича кейинги ойнинг 15-санасига қадар Ички аудит бўлимига тақдим этсин ҳамда мазкур хулоса асосида тасдиқлаш учун вазирлик раҳбариятига

киритсин.

13. Ички аудит бўлими Давлат дастурлари ва бюджет харажатларининг мақсадли ва самарадорлик индикаторлари ижросини таҳлил қилиш ва баҳолашларни амалга ошириш вазифаси юклатилсин. Жумладан:

мақсадли ва самарадорлик индикаторларининг бажарилиши бўйича чорақлик ҳисоботларни таҳлил этган ҳолда баҳолаш;

мақсадли ва самарадорлик индикаторларининг бажарилиши ҳаққонийлиги ва тўғрилигига эътибор қаратиш;

ўтказилган ички аудит тадбирлари жараёнида мақсадли ва самарадорлик индикаторларининг бажарилиши бўйича аниқланган муаммоли ҳолатларни таҳлил қилиш;

мақсадли ва самарадорлик индикаторларининг бажарилиши бўйича муассасаларни молиялаштириш билан боғлаш имкониятларини баҳолаш;

мақсадли ва самарадорлик индикаторларининг бажарилмаслик хавфини аниқлаш, уларни бартараф этиш бўйича таклиф ва тавсиялар тайёрлаш;

ҳисобот чораги якуни бўйича кейинги чорақ биринчи ойининг 20-санасига қадар самарадорлик индикаторларининг ижроси тўғрисидаги ҳисоботларни шакллантириш ҳамда хулоса билан биргаликда Ўзбекистон Республикаси Иқтисодиёт ва молия вазирлиги ва Ҳисоб палатасига ўрнатилган тартибда киритиб бориш вазифалари юклатилсин.

14. Республика бюджетидан молиялаштириладиган муассасалар:

2023 йил 1-чорақ харажатлари вақтинчалик харажатлар сметаси асосида амалга ошириладиганлиги маълумот учун қабул қилсин;

2022 йил ва 2023 йилнинг 1-чораги учун Ўзбекистон Республикасининг республика бюджетидан молиялаштириладиган бюджет ташкилотлари томонидан молиявий ҳисоботларни тузиш ва белгиланган тартибда вазирликнинг Бухгалтерия ҳисоби бўлимига тақдим этилиши таъминласин;

2023 йил учун асосий штатлар жадвали ва харажатлар сметасини ажратилган маблағлар доирасида белгиланган тартибда тузиб, тасдиқлаб, рўйхатдан ўтказиш учун Иқтисодиёт, таҳлил ва нархларни шаллантириш бошқармасига тақдим этиш чораларини кўрсин.

15. Иқтисодиёт, таҳлил ва нархларни шаллантириш бошқармаси бир ҳафта муддатда республика бюджетидан молиялаштириладиган муассасалар томонидан тақдим этилган 2023 йил учун тасдиқланган штатлар жадвали ва харажатлар сметалари ҳамда марказлашган тадбирлар учун тасдиқланган харажатлар сметалари асосида вазирликнинг жамланма харажатлар сметасини шакллантириб, рўйхатдан ўтказиш учун Иқтисодиёт ва молия вазирлигига киритсин.

16. Қорақалпоғистон Республикаси Соғлиқни сақлаш вазирлиги, вилоятлар соғлиқни сақлаш бошқармалари ва Тошкент шаҳар соғлиқни сақлаш бош бошқармаси ҳудуддаги барча тиббиёт муассасаларининг 2023 йил тасдиқланган ва молия органларида рўйхатдан ўтказилган штатлар жадвали ҳамда харажатлар сметаларини, шунингдек ҳудудий жамланма харажатлар сметасини белгиланган муддатларда вазирликка тақдим этсин.

17. Мазкур буйруқ ижросининг назорати вазир ўринбосари О. Фазилкаримов зиммасига юклансин.

Вазир



А. Иноятов